

原刊影印

民國佛教期刊文獻集成

任繼愈題



民國佛教期刊文獻集成

任繼愈題圖

第 136 卷



覺社年刊 頻伽音隨刊
弘化月刊

(補編)

全國圖書館文獻縮微復制中心

第三期

覺社季刊

丙子三月宙忱題



蘇州覺社佛學圖書室徵集經書啓

三吳爲文物之邦亦爲佛學昌明之地虎阜生公曾通靈於頑石龍壽古刹亦什襲乎幽經自昔已然於今爲盛第經本摧殘或侵蝕於魚蠹書籍散佚或委棄於典沙不徵集而儲藏之何以保國家之粹而增佛日之光此敝社所以發起佛學圖書室之不容或緩也敝社成立十載於茲社員加入亦達數十蒸蒸日上方興未艾蒙承汪故社長捐贈大批經書情是典藉浩繁久有搜羅之心而光陰荏苒未遂徵集之願是以同人等擬創辦圖書室發起徵集俾三藏經典常得永久保存一室圖書儘可供養研求啓迪智慧紹隆佛種人天同護功德無量善士仁人如蒙惠施經冊多多益善少少無妨自他兩利成所宏願無任翹企之至是爲啓丙子四月

蘇州覺社年刊第二期目次

論

佛化是救世之唯一途徑

學

禪淨不二說

色法問答

講 以先後為次序

乙亥五月八日季聖一居士演講消災延壽大意

七月十四日興慈法師開示念佛法門

八月中秋季聖一居士演講新座右銘

九月八日華清法師開示持戒念佛

九月十九日季聖一居士演講觀音圓通大意

藥師如來聖誕日季聖一居士演講念佛或問

十二月八日季聖一居士演講成道

丙子元日彌勒佛誕季聖一居士演講往生

菜根譚講要 電台廣播未完

安 礎

王季同 聖 靈

宗 聖 導

宗 聖 導

聖 方 導

宗 聖 導

宗 聖 導

一 留 宗 導

宗 聖 導

聖 一 導

文藝

佛說四十二章經新疏序
佛說四十二章經新疏序
佛說四十二章經新疏讚
吳江蔡宗寅居士贊
哭丁在君先生
曹嵩喬居士書華嚴經跋
許子莪居士書楞嚴經跋
曹嵩喬居士書華嚴經跋
曹嵩喬居士書華嚴經跋
重建廬山東林寺十八高賢影堂碑記
蘇由忱居士楷書唐譯華嚴經讚并序
吳縣汪聖珊居士往生記
吳縣張慧導居士往生記
重印地藏經科注序
詩六十四首
詞一首



社

論



佛化是救世之唯一途徑

安 嶽

今日世界各國有一最大難題。曰救濟現代。略稱救世是也。有誠之士。咸相奔走駭汗。焦思竭慮。積無數之資料。經許久之時間。籌劃種種方策。以圖根本解答。而卒不可得。一介凡庸。更何足以語此哉。然而事必有理。理必有因。因必有時。時未至。則因不全。因未全。則理不顯。理不顯。則事不成。世出世間。莫不循此公例。而時因二者。尤屬要中之要。今也各國人士。無論在朝在野。或於宗教已有信仰。或無信仰。而皆許佛教乃文化之一。又許局勢非常。亟應救濟。唯佛化是救世之唯一途徑。則固佛弟子所共許。而外此容或不許。故就因明法而論。立宗之時機。可謂已至矣。所欲檢討者。在乎原因何如耳。

社論 佛化是救世之唯一途徑

檢討原因之前。又有先決二問題。一曰世界歷史。何以一治一亂。不得永永太平。二曰此後如何。始可一勞永逸。長治久安。無復發生變亂之慮。於是議論紛紛。相繼試驗。主張武裝和平者。謂丁此萬國交通。科學昌明之際。弱肉強食。唯力是視。非有強固優越之海陸空防。不足以圖存自立。余謂此乃治國之下策。非所語於救世也。主張經濟侵略者。謂人類生存。不外經濟。若能利用勞資。傾銷貨物。即可吸人膏血。供我馳驅。此策較前。善巧多矣。而其結果。亦不過瘠人肥己。同歸於盡而已。乃有飽學耆德。卓識名流。以爲武裝經濟。皆是唯物主義。尙未澈底。不如革新政治。注重社會。普及教育。涵養道德。乃至信仰宗教。改造心理。使世界人類。日日演進。共趨於自由平等之光明大道。如是。則險惡形勢。拔本塞源。必能挽救一切矣。然人我未除。或人我除而法我未除。雖有美善高尚之孔耶諸教。亦但可以入世而不可以出世。或但可以自利而不可以利人。何況政治經濟社會教育道德軍事之等而下焉者乎。是以救世之唯一途徑。卽視能否無我以爲標準。彰明較著。不言而喻矣。不揣愚昧。請言佛化。

一佛化之出發點

一切科學哲學。無非人類所發明。而人類之所以能發明者。亦曰知情

意耳。此則任何人所公認。而不容否定者也。然分別言之。科學雖甚昌明。尙屬知識方面之事。哲學略涉情意。亦仍知識爲多。惟佛化乃破盡見思。聖智自證之妙境。圓滿究竟。一一如實。不但慈悲喜捨。躬行實踐。忍人所不能忍。行人所不能行。於情意二者。固已充分發達。登峯造極。抑且行布圓融。重重無盡。綜括一切宗教及科學哲學之全。了無餘蘊。於知識方面。亦復窮玄極妙。不可思議。蓋佛教通常。每分煩惱爲見思二惑。見惑。卽關於知識之迷思惑。卽關於情意之迷。破除二惑。始能了生脫死。安心立命。此其出發點。不可不知者也。

二佛化之世界觀 世界何自而成乎。古來哲學家。或以爲上帝所造。或以爲神我所造。科學家則以爲自然變化所致。迄無定論。而佛教發明諸法。皆自因緣生起。既非人神所創。亦非無因而成。言因緣者。卽通俗所謂相互之關係。在大小諸乘。或說六因二緣。或說十因四緣。不無出入。而以人類共同所造之善惡業力。積集而成種種世界之現象。三世相續。迄無間斷。其間自有一定之理法。亘古不遷。雖曰不遷。而此世界觀之特色。固常帶有動性。而非靜性。是則一致主張。而不可或忘者也。又須知世界之流動。由於我心之流動。世界之相續。由於我心之

相續。世界之有理化。亦由於我心之有理化。若離我心。即無世界。欲制世界。必先制心。安樂之穢土。西方之淨土。雖甚懸殊。而其因緣。則無非自他之心力。加功修養。感召幽顯。方克臻此。豈偶然哉。

三佛化之人生觀

世間之人生觀。不外悲觀樂觀。大派別佛教則兼而有之。且更著明深切。作悲觀時。謂人既受生。必有生苦。既生之後。必有老苦。病苦。死苦。又有愛別離苦。怨憎會苦。求不得苦。五陰盛苦。是故苦空無常無我四句。乃佛教人生觀之大綱。其爲厭世主義。固無疑也。然以此而概佛教人生觀之全體。以爲一切皆須否定。而無肯定。則又大謬不然。蓋小乘教以涅槃爲勝境。以生死爲苦果。故對於人生。不免悲觀。而大乘教則菩提心爲因。大悲爲根。方便爲究竟。不住生死。不住涅槃。對於人生。一面固作悲觀。同時他面復作樂觀。謂人生雖得正宜努力進修。以顯人人固有之佛性。故四大洲中。北俱盧洲福報壽命。超勝他洲。近於西遊之島托邦。而反視爲八難之一。不可救藥。我等棲息之南瞻部洲。偏極困苦。殆難究詰。而特鄭重讚歎。謂能離欲忍辱。堅韌不移。苟發肯心。皆可成佛作祖也。是可知執人生爲純樂。而作爲

罔覺。與夫執人生爲純苦。去之若浼者。程度雖有差別。其爲迷謬。則一耳。

四佛化之中心 佛化導源於印度。集成於中國。而分布於東亞中歐各國。今則北美西歐。

亦漸駁駁萌蘖。其區域之廣。信徒之衆。爲各宗教之冠者。非有厚利強權。以盾其後而驅其前也。蓋人同此心。心同此理。一旦啓信。卽獲一句一偈。而畢生受用不盡。始焉轉迷開悟。繼以止惡行善。終必離苦得樂。固沛然若決江河。而莫之能禦也。然其教義之中心。尤在無我二字。良以世界安危。雖有遠近諸因。不一而足。而因中之因。不外我之有無。以爲正比。有我則我見我愛。我慢我執。隨之紛起。而國家社會。遂相忌相爭。以至相殺。無我則念佛念法念僧。念戒念施。日不暇給。一切資生產業。一一皆是中道實相。而人無文野。地無中邊。自必出於上求菩提。下化衆生之一途。縱或誘以共產公妻。脅以武力威力。使之起惑造業。享受一時幸福。自貽無窮果報。而亦不可得矣。

五佛化之妙用 綜上數端。佛化無我。雖甚深微妙。論者或謂了生脫死。安心立命。亦僅適用於出家之比丘比丘尼衆。而不適用於在家之男女有情。又僅適用於未來之虛空理想。而

不適用於現在之繁複事實。則其功能仍有限量。烏足以救濟今日五光十色。爾詐我虞之惡濁世界耶。此一疑難。實可代表多數人士之心理。而有商榷之價值焉。余敢直言以正告之。曰佛弟子有四衆。乃至七衆之別。要皆具足出家在家二衆。而大乘菩薩。尤以在家居士爲多。固無須薙髮灸疤。緇衣黃履之儀式爲也。教乘具在。可以覆按。無庸贅言。若夫現實應用。雖乏成例。然一人無我。則一人善。一家無我。則一家和。一國無我。則一國治。一天下無我。則一天下平。更進而推之於政治。則以無我而就理。推之於經濟。則以無我而息爭。推之於社會。則以無我而共榮。推之於教育。則以無我而普利。推之於道德。則以無我而互助。推之於宗教。則以無我而彌真。即推之於殘酷慘烈。黯無人道之軍事。縱不能一時煙消雲散。弭於無形。亦必惕於因果循環。自作自受之定律。而不敢殘人以逞。過爲己甚。甚矣無我之妙用。舍佛化其將奚歸哉。論者或曰。救世乃晚近最急最要之大問題。亟起直追。猶恐不及。而今不適應潮流。提倡政治經濟教育道德等。以救國家社會。顧乃輕描淡寫。僅以虛玄縹渺之佛化。作一答案。若即非大言不慚。得無迂遠而不切於實用乎。余謂此實三千年前釋迦世尊之正見。非余個人之創設。

也。此三千年中。若印度。若西域。若南洋。若中日諸國。自國家以至一身。信受奉行。者。遠。凶。化。吉。靡。不。奏。效。惟。其。效。之。大。小。久。暫。各。不。相。同。亦。仍。視。佛。化。之。廣。狹。深。淺。以。爲。正。比。例。耳。今。雖。時。勢。遷。流。迥。非。昔。比。而。歷。史。昭。垂。既。不。可。以。陳。迹。而。抹。煞。事。實。至。理。法。爾。又。不。可。以。臆。說。而。變。易。眞。如。悲。哉。衆。生。有。我。無。人。沉。迷。不。覺。蓋。已。久。矣。猛。虎。搏。餌。終。必。自。斃。羣。魚。嬉。水。唯。飲。乃。知。萬。法。是。心。轉。移。全。在。克。己。一。心。作。佛。信。願。還。須。仗。他。有。佛。化。以。植。其。本。則。戾。氣。潛。消。一。切。武。裝。堪。資。護。法。無。佛。化。以。澄。其。源。則。眞。性。已。蔽。其。他。宗。教。亦。足。誤。人。是。故。不。欲。救。世。則。已。如。欲。救。世。佛。化。是。唯。一。途。徑。乃。今。日。最。超。越。最。圓。足。之。結。論。詳。拘。愚。誠。以。貢。獻。於。全。世。界。仁。人。君。子。之。前。一。垂。察。焉。至。實。施。方。法。及。其。程。序。當。代。不。乏。大。善。知。識。願。各。請。益。共。報。佛。恩。挽。回。劫。運。盡。興。乎。來。

蘇州覺社出版

著近士居一聖

心經新疏

附心經白話淺說

定價 報紙一角

淨土生無生論講義

定價 連史紙 六角

大乘百法明門論講義

定價 連紙 五角

七十五法解略

定價 道林紙 五角

四十八願略解

定價 連紙 三角

此經乃八部之精華，其義深奧，非淺識所能解。本疏以白話淺說，使初學易於理解。淨土生無生論，乃淨土宗之根本，本講義詳述其義，使學者不至有誤。大乘百法明門論，乃唯識宗之根本，本講義詳述其義，使學者不至有誤。七十五法解略，乃法華經之要義，本解略詳述其義，使學者不至有誤。四十八願略解，乃阿彌陀經之要義，本解略詳述其義，使學者不至有誤。

古吳佛經流通處發行

蘇州公國前民治路



學

術



禪淨不二說

不歸居士王季同

余學佛數年。屢與師友晤對。每欲有所商量。輒因然莫知所可。蓋佛法難言。紀慮本無可說。而三藏教海攝法已周。亦更無置喙餘地也。前歲偶有所觸。成此短篇。茲特錄出。以呈似諸尊宿。

自永明禪師作四料簡後。歷代縑素。若明之蓮池。慈山。藕益。今之諦閑。印光。諸大師。龍舒。安士。尺木諸居士。無不偏讚淨土。然竊謂此祇是古今諸德方便應機之說。非稱性之極談也。禪淨究竟無二。禪宗信有向上事。卽是信從是唯心所感娑婆之西方。過十萬億佛土。實有自心本具極樂世界。實有自性阿彌陀佛。成佛以來於今十劫。現在說法也。定要見這一著。子明白。卽是願生西方極樂世界。唯心淨土。得與自性阿彌陀佛觀音勢至諸上善人俱會一處也。本來

面目即是阿彌陀佛清淨法身。猛著精彩看箇話頭。即是執持名號一心不亂也。爰別永明禪師四料簡曰。有禪即是有淨。箇箇成佛作祖。無淨決定無禪。一總鉄床銅柱。然而這一句名號作麼生執持。十箇有五雙不免錯認定盤星。此則永明禪師所以有錯路之誠也。

色法問答

聖 靈

丙子仲春。蘇州覺社。大開法筵。請王小徐季聖一二大居士。開日弘法。莊嚴整肅。濟濟一堂。誠盛事也。余寄居吳門。又忝爲社員。日必參加法會。領受妙法。開演迄今。瞬將月餘。雖雨雪交加。亦從未中止一次。竊謂以此大無畏精神。建設事業。共赴國難。則前途庶有一線之光明。裕民生而張國威。實舍此莫由。安可以迷信目之哉。余不敏。對於佛學。素無研究。兩年以來。因大家兄之勸導誥誡。興趣日濃。而思想亦因而日變。故每逢法會。如無特殊職務。必竭誠參加。而不願甘落人後也。此次覺社法會。每講必往諦聽。每聞必記之以筆。俾日後得以參攷。可省却幾許精力。比傍聽七十五法浹旬。於每講一法之後。得問題若干。尤爲歡喜無量。因搜索枯腸。將

色法一部之問題，更加擴充，逐條附以答案，共獲六十六條，投之覺社年刊，作爲社友備忘之一助。疏漏謬誤，在所難免，尙祈方家指正爲幸。

一、問何謂色法？

答：色法在小乘中居五位法之首，卽我人之肉體，以及外界之事物，其變壞質礙二義者，所以別於無形之心法而言也。

二、問大小乘法，同是五位，何以對於色法之次序有異？

答：大乘百法，先列心王心所諸法，而後色法。小乘七十五法，則首列色法，而次及心王心所諸法者，蓋大乘以三界唯心，萬法唯識，心識之外，不認有色法之實體，故先心王心所，而色法次之。小乘則不然，依法相之生起次序，而分五位之先後，且認色心諸法，各有實體也。

三、問色法有幾？

答：色法有十一，卽五根五境及無表色，是。

四、問何謂五根？